

Dear Jo,

DECEMBER 2022

Hello, Hi, Good morning, Good afternoon, Good evening,

Sa totoo lang hindi ko alam kung paano sisimulan to. Hindi ko din alam kung kailan mo to mababasa kaya yung greetings sa taas nilahat ko na. Pero yun, ilang araw pa lang nakalilipas simula nung nag-usap tayo pero parang ang tagal na ng panahon na dumaan. Yung feeling andito pa din, masakit pero kakayanin kaya wag mo kong alalahanin gusto ko lang sabihin sayo lahat ng nararamdaman ko at update na din.

Hindi man halata pero alam mo ba lagi kitang naiisip at naalala, kung okay ka lang ba? anong ganap or balita sayo? inaalagaan mo ba sarili mo? masaya ka ba? mga ganung bagay. Ilang beses na ko natukso magchat pero pinigilan ko dahil ayun alam ko naman busy tayo parehas at yun nga mukhang kailangan din talaga natin magfocus. Alam ko naman na walang may gusto sa nangyari at wala tayong magawa sa sitwasyon natin, ilang beses ko na din inisip kung ano pa sana nagawa ko para mapigilan or maayos man lang. Kung mapapansin mo wala talaga kong paramdam ngayon maliban sa stories sa instagram or post minsan sa twitter. Alam kong maraming kang pinagdadaanan, sa pamilya, career at syempre sakín, gusto kitang supportahan at tulungan physically pero yun hindi ko mabigay, maliban sa mga salita. Ayaw ko na din lang makadagdag kaya siguro naisip ko na sa ganitong paraan ito lang talaga magagawa ko. Ayaw kitang mapressure at mapilitan. Lagi mong tatandaan na kailanman hindi ikaw yung naging problema.

Masakit din sayo yung naging desisyon mo, pero gusto ko lang din malaman mo na sobrang proud ako sayo sa lahat. Kakayanin natin to at magiging masaya din tayo. Gusto ko din sabihin sayo na kung kailangan mo ng kausap, tulong or kung ano man andito lang ako lagi para sayo. Hindi man na tayo at magbago man yung pagmamahalan na mayroon tayo dati, minahal at mamahalin kita bilang ikaw.

Salamat at paalam, Hanggang sa muli!

Yours Sincerely,

Ralph

